

არასამეწარმეო (არაკომერციული) იურიდიული პირი
აკაკი წერეთლის სახელობის
ქალაქ ბათუმის საჯარო ბიბლიოთეკა

ჟურნალ–გაზეთების შესყიდვა 2017 წლისათვის
გამარტივებული ელექტრონული
ტენდერის საშუალებით

სატენდერო დოკუმენტაცია

სარჩევი

1. საკვალიფიკაციო მოთხოვნები.
2. ტექნიკური დოკუმენტაცია.
3. ანგარიშსწორების პირობები.
4. პრეტენდენტის მიერ სისტემაში ასატვირთი მონაცემები.
5. საქონლის და ფასების ცხრილის ფორმა (დანართი №2).
6. სახელმწიფო შესყიდვების შესახებ ხელშეკრულების პროექტი.
7. აფიდავიტი.

გამარტივებულ ელექტრონულ ტენდერში მონაწილეობისათვის პრეტენდენტი ვალდებულია გაეცნოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და „სახელმწიფო შესყიდვების ერთიანი ელექტრონული სისტემის მომხმარებლის სახელმძღვანელოს“.

1. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1. იურიდიული პირებისთვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- გ) იურიდიული პირის წარმომადგენლობაზე (ხელმძღვანელობაზე) უფლებამოსილი პირის იდენტიფიკაციის დამადასტურებელი დოკუმენტის ქსეროასლი.

1.2. ფიზიკური პირებისთვის:

- ა) ცნობა საქართველოს საჯარო რეესტრის ეროვნული სააგენტოდან იურიდიული პირის ქონებაზე საჯარო სამართლებრივი შეზღუდვის არარსებობის შესახებ;
- ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- გ) ფიზიკური პირის იდენტიფიკაციის დამადასტურებელი დოკუმენტის ქსეროასლი.

საკვალიფიკაციო მონაცემების დამადასტურებელი დოკუმენტების მოთხოვნა მიზანშეწონილია, რადგანაც ჟურნალ–გაზეთების მოწოდება განხორციელდება ერთი წლის განმავლობაში – 2017 წლის 03 იანვრიდან 2017 წლის 31 დეკემბრის ჩათვლით, ყოველდღიურად, გარდა კანონმდებლობით გათვალისწინებული უქმე დღეებისა.

2. ტექნიკური დოკუმენტაცია

2.1. შესყიდვის ობიექტის აღწერილობა:

მოთხოვნილი ჟურნალ–გაზეთების ჩამონათვალი მოცემულია სატენდერო დოკუმენტაციაზე თანდართულ №1 დანართში (ჟურნალ–გაზეთების ნუსხა).

მოწოდებული ჟურნალ–გაზეთების ტექნიკური მონაცემები უნდა შეესაბამებოდეს სატენდერო დოკუმენტაციით მოთხოვნილს. მეორადი ჟურნალ–გაზეთების მოწოდება დაუშვებელია.

2.2. მოწოდების პირობები:

- 2.2.1. მოწოდებული უნდა იქნას 2017 წლის 01 იანვრიდან 2017 წლის 31 დეკემბრის ჩათვლით გამოცემული ჟურნალ-გაზეთები.
- 2.2.2. ჟურნალ-გაზეთების მოწოდება უნდა განხორციელდეს ყოველდღიურად, გარდა კანონმდებლობით გათვალისწინებული უქმე დღეებისა.
- 2.2.3. საქართველოში გამოცემული ჟურნალ-გაზეთების მოწოდება უნდა განხორციელდეს გამოცემის დღესვე, ხოლო რუსეთში გამოცემული ჟურნალ-გაზეთების მოწოდება უნდა განხორციელდეს გამოცემიდან არაუგვიანეს 5 (ხუთი) დღეში, ეტაპობრივად, ხელშეკრულების გაფორმების დღიდან 2017 წლის 31 დეკემბრის ჩათვლით.
- 2.2.4. ჟურნალ-გაზეთები მოწოდებული უნდა იქნას სატენდერო დოკუმენტაციაზე თანდართული ჟურნალ-გაზეთების ნუსხის (დანართი №1) მიხედვით შემდეგ მისამართებზე: ქ. ბათუმი, ვაჟა-ფშაველას ქ. №21 (ძირითადი კორპუსი) და ქ. ბათუმი, ჯავახიშვილის ქ. №72 (საბავშვო-ახალგაზრდობის განყოფილება).

3. ანგარიშსწორების პირობები

- 3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით შესყიდვის ობიექტის მოწოდებასთან დაკავშირებული ყველა გადასახადის გათვალისწინებით.
- 3.2. ანგარიშსწორება განხორციელდება უნაღდო ანგარიშსწორებით ფორმით.
- 3.3. ანგარიშსწორება განხორციელდება ლარებში.
- 3.4. წინასწარი ანგარიშსწორება არ გამოიყენება.
- 3.5. ანგარიშსწორება განხორციელდება ქალაქ ბათუმის მუნიციპალიტეტის მერიის ბიუჯეტიდან.
- 3.6. ანგარიშსწორება განხორციელდება მხარეთა შორის მიღება-ჩაბარების აქტის საფუძველზე, სასაქონლო ზედნადების და/ან ანგარიშ-ფაქტურის წარმოდგენიდან 5 (ხუთი) სამუშაო დღის განმავლობაში.

4. პრეტენდენტის მიერ სისტემაში ასატვირთი მონაცემები

- 4.1. პრეტენდენტმა უნდა წარმოადგინოს რეკვიზიტები.
- 4.2. პრეტენდენტმა უნდა წარმოადგინოს მოსაწოდებელი საქონლის და ფასების ცხრილი დანართი №2-ის შესაბამისად.
- 4.3. პრეტენდენტის მიერ წარმოდგენილი დოკუმენტაცია დამოწმებული უნდა იყოს უფლებამოსილი პირის ხელმოწერითა და ბეჭდით.
- 4.4. საქონლის ღირებულება უნდა შეიცავდეს შესყიდვის მოწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.
- 4.5. შესყიდვის ობიექტის ტექნიკური და ხარისხობრივი მაჩვენებლის ალტერნატიული შემოთავაზება არ განიხილება.

5. საქონლის და ფასების ცხრილის ფორმა (დანართი 2)

პრეტენდენტის დასახელება _____

დანართი 2

საქონლის და ფასების ცხრილი

№	საქონლის დასახელება	მოსაწოდებელი ეგზემპლარების რაოდენობა	პერიოდული ღირებულების რაოდენობა	სულ რაოდენობა	ერთეულის ფასი (ლარი)	საერთო ღირებულება (ლარი)	საქონლის მოწოდების ვადები	საქონლის მოწოდების ადგილი
1	2	3	4	5	6	7	8	9
გაზეთი								
1								
2								
3								
ჟურნალი								
1								
2								
3								

პრეტენდენტის ხელმოწერა _____

დამატებითი ინფორმაცია შეგიძლიათ მიიღოთ:

გენადი მახარაძე - ტელ: (0) 422 27 35 74, მობ: 599 94 00 91.

მანანა ლორია - (0) 422 27 35 76, მობ: 577 26 12 55

ბორის ხუციშვილი - ტელ: (0) 422 27 73 65, მობ: 593 28 81 65.

მისამართი: ქ. ბათუმი, ვაჟა-ფშაველას ქ. №21.

6. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი დაიხვეწება გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება

ქ. ბათუმი

2017 წელი

ერთის მხრივ `არასამეწარმეო (არაკომერციული) იურიდიული პირი - აკაკი წერეთლის სახელობის ქალაქ ბათუმის საჯარო ბიბლიოთეკის` დირექტორი გენადი მახარაძის სახით (შემდგომში `შემსყიდველი`) და მეორეს მხრივ ----- სახით (შემდგომში `მიმწოდებელი`) `სახელმწიფო შესყიდვების შესახებ საქართველოს კანონის და პრეტენდენტის სატენდერო წინადადების საფუძველზე, გამარტივებული ელექტრონული ტენდერის ----- ჩატარების შედეგად ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1. `ხელშეკრულება სახელმწიფო შესყიდვების შესახებ` (შემდგომში - `ხელშეკრულება`) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. `ხელშეკრულების ღირებულება` - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.

1.6. „საქონელი“ - ჟურნალ-გაზეთები.

2. სტანდარტები და გარანტია

2.1. ხელშეკრულების ფარგლებში მოწოდებული საქონელი უნდა შეესაბამებოდეს გამოცემული პროდუქციის სტანდარტებს. მეორადი საქონლის მოწოდება დაუშვებელია.

2.2. 2.1. პუნქტში აღნიშნულიდან ნებისმიერი გადახრის შემთხვევაში, „შემსყიდველი“ უფლებამოსილია არ მიიღოს საქონელი და „მიმწოდებლის“ მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3. ხელშეკრულების საგანი

3.1. „შემსყიდველი“-სათვის `მიმწოდებელი“-ს მიერ 2017 წლის 01 იანვრიდან 2017 წლის 31 დეკემბრის ჩათვლით გამოცემული ჟურნალ-გაზეთების მიწოდება.

3.2. `ხელშეკრულება“-ს თან ერთვის ჟურნალ-გაზეთების დასახელების, რაოდენობისა და ფასების ცხრილი (დანართი #1), რომელიც წარმოადგენს `ხელშეკრულები“-ს განუყოფელ ნაწილს.

4. ხელშეკრულების ღირებულება

4.1. საქონლის ფასი განისაზღვრება ლარებში.

4.2. საქონლის ღირებულება ერთეულის მიხედვით მოცემულია #1 დანართში.

4.3. ხელშეკრულების ჯამური ღირებულება შეადგენს ----- ლარს.

4.4. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ `მიმწოდებლის` ყველა ხარჯს, საქართველოს კანონმდებლობით გათვალისწინებულ გადასახადებს.

5. ხელშეკრულების შესრულების კონტროლი

5.1. „მიმწოდებლის“ მიერ ხელშეკრულებით ნაკისრი ვალდებულების კონტროლს ახორციელებს „შემსყიდველი“.

5.2. „შემსყიდველი“ უფლებამოსილია მოახდინოს შესასყიდი საქონლის ხარისხის კონტროლი/ინსპექტირება ხელშეკრულების მოქმედების ნებისმიერ ეტაპზე, განახორციელოს კონტროლი რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

5.3. „მიმწოდებელი“ ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4. ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულების გარანტიისა ან სხვა ვალდებულებებისაგან.

6. შესყიდვის ობიექტის მიწოდების ვადა, ადგილი და პირობები

6.1. „მიმწოდებელმა“ საქონლის მიწოდება უნდა განახორციელოს ყოველდღიურად, გარდა კანონმდებლობით გათვალისწინებული უქმე დღეებისა.

6.2. „მიმწოდებელმა“ საქართველოში გამოცემული საქონელის მოწოდება უნდა განახორციელოს გამოცემის დღესვე, ხოლო რუსეთში გამოცემული საქონელის მოწოდება უნდა განახორციელოს გამოცემიდან არაუგვიანეს 5 (ხუთი) დღეში, ეტაპობრივად, ხელშეკრულების გაფორმებიდან 2017 წლის 31 დეკემბრის ჩათვლით.

6.3. საქონელი მიწოდება განხორციელდება შემდეგ მისამართებზე: ქ. ბათუმი, ვაჟა-ფშაველას ქ. №21 (ძირითადი კორპუსი) და ქ. ბათუმი, ჯავახიშვილის ქ. №72 (საბავშვო-ახალგაზრდობის განყოფილება).

6.4. საქონლის ორ მისამართზე მიწოდება განხორციელდება ხელშეკრულებაზე თანდართული №1 დანართის შესაბამისად.

6.5. ხელშეკრულების დამდებ არც ერთ მხარეს არა აქვს უფლება შეიტანოს მოწოდების გრაფიკში ცვლილებები მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარებს წესი

7.1. საქონელი (მისი ნაწილი, ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2. საქონლის მიღება-ჩაბარების აქტის გაფორმება განხორციელდება ყოველთვიურად.

7.3. „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ საქონლის (მისი ნაწილის, ეტაპის) მიღების და/ან საბოლოო შემოწმების შედეგები დაწუნებული საქონლის რაოდენობისა და წუნდების მიზეზის მითითებით.

7.4. საქონლის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“.

7.5. საქონლის მიღების დასტურია მიღება-ჩაბარების დოკუმენტი.

8. ანგარიშსწორების ფორმა, ვადები და პირობები

8.1. ანგარიშსწორება განხორციელდება უნაღდო ანგარიშსწორების ფორმით.

8.2. ანგარიშსწორება განხორციელდება ლარებში.

8.3. წინასწარი ანგარიშსწორება არ გამოიყენება.

8.4. ანგარიშსწორება განხორციელდება ქალაქ ბათუმის მუნიციპალიტეტის მერიის ბიუჯეტიდან.

8.5. ანგარიშსწორება განხორციელდება მხარეთა შორის მიღება-ჩაბარების დოკუმენტის გაფორმების საფუძველზე, „მიმწოდებლის“ მიერ სასაქონლო ზედნადების და/ან ანგარიშ-ფაქტურის წარდგენიდან 5 სამუშაო დღის განმავლობაში.

9. ხელშეკრულების პირობების შეუსრულებლობა

9.1 „მიმწოდებლის“ მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5 პროცენტის ოდენობით.

9.2. „შემსყიდველის“ მხრიდან ხელშეკრულების 8.5 პუნქტით გათვალისწინებული ანგარიშსწორების ვადების დარღვევის შემთხვევაში „მიმწოდებელი“ უფლებამოსილია დააკისროს „შესყიდველს“ პირგასამტეხლო ყოველ ვადაგადაცილებულ დღეზე გადაუხდელი თანხის 0,5 პროცენტის ოდენობით.

9.3 იმ შემთხვევაში, თუ ვადების გადაცილებისათვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 5 პროცენტს, მეორე მხარეს უფლება აქვს შეწყვიტოს ხელშეკრულება.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა, ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1. „მიმწოდებელმა“ „შემსყიდველს“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულებების შეწყვეტა მისი პირობების შეუსრულებლობის გამო

13.1. „შემსყიდველს“ შეუძლია მთლიანად და ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

ა) თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელების ვადებში არ შეუძლია შეასრულოს მთელი სამუშაო;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელი“ დანარჩენი ვალდებულებების შესრულებისაგან.

13.3. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) „მიმწოდებლის“ გაკოტრების შემთხვევაში;

გ) თუ მისთვის ცნობილი გახდა, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14. ფორს-მაჟორი

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადასალახავ და მათი კონტროლისაგან დამოუკიდებელ გარემოებებს, რომლებიც არა არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევის მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. ხელშეკრულების ენა

17.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის სრულდება ქართულ ენაზე.

18. შეტყობინება

18.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკემის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენის დღეს, იმის მიხედვით, თუ ამ თარიღებიდან რომელი უფრო გვიან დგება.

19. გადასახადები და დაბეგვრა

19.1. „მიმწოდებელი“ პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე.

20. ხელშეკრულების მოქმედების ვადა

20.1. ხელშეკრულება ძალაში შედის ხელშეკრულების გაფორმების დღიდან -----

20.2. ხელშეკრულება შესრულებულია და ხელმოწერილია სამ ეგზემპლარად. აქედან ორი ეგზემპლარი ინახება „შემსყიდველთან“, ხოლო ერთი ეგზემპლარი „მიმწოდებელთან“.

მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

6. აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც, არ აკმაყოფილებს გამოცხადებული ტენდერის პირობებს;
 - შესყიდვების ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შიინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისათვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადაგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.